



Tekst & musikk
FREDDIE
LANGRIND

FRIDOMEN

(parvise til Fredløysa)

*Otte er åleine med sine tankar
etter frifinninga*

Eg slepte meg fram som eit dyr i ei dimme
på flukt med eit kvelande tjør
mot fristad og krypinn i hule og kyrkje,
og lenkjer set spor.

Dei kviskra og slarva i krokar og krikar
og samla sin trolldom i ord.
No sit eg i tryggleik og kjenner på prisen,
at lenkjer set spor.

Dei klemte og skvisa all krafta eg åtte,
sjølv dei som var søster og bror.
No lossnar dei taket og byr meg til sete,
men lenkjer set spor.